

# SCRIPTA

---

**Numéro Scripta :** 7288

**Auteur(s) :** Henri II Plantagenêt, Angleterre (roi)

**Bénéficiaire(s) :** Nicolas, Le Plessis-Grimoult, Saint-Étienne (prieur)

**Bénéficiaire(s) :** Le Plessis-Grimoult, Saint-Étienne (prieuré)

**Genre d'acte :** charte

**Authenticité :** non suspect

**Datation :** [1181-1182]

**Lieu d'émission :** Bur

**Action juridique :** donation

**Langue du texte :** latin

## Analyse

Donation de l'église d'Ivrande au prieuré du Plessis.

## Tableau de la tradition

### Éditions principales

a. Berger Élie, Delisle Léopold, *Recueil des actes de Henri II, roi d'Angleterre et duc de Normandie concernant les provinces françaises et les affaires de France*, Paris, Imprimerie Nationale (Chartes et diplômes relatifs à l'histoire de France), 1916-1927, 3 vol., n° DCIX, t. 2, p. 215-216.

### Indications

Delisle Léopold, *Recueil des actes de Henri II, roi d'Angleterre et duc de Normandie concernant les provinces françaises et les affaires de France*, Introduction, Paris, Imprimerie nationale, 1909, p. 309.

## Dissertation critique

Sur la datation de cet acte, voir DELISLE/BERGER, *Recueil des actes de Henri II*, t. 2, p. 215. Souscriptions de Geoffroy Fils du roi, chancelier depuis 1181, et de Gautier de Coutances, trésorier de Rouen, élu évêque de Lincoln le 8 mai 1183 ; Henri II n'a pas été en Normandie pendant les premiers mois de 1183. Cet acte est ainsi antérieur à 1182.

Texte établi d'après a

Henricus, Dei gratia rex Anglorum, et dux Normannorum et Aquitanorum, et comes Andegavorum, archiepiscopo Rothomagensi, episcopis, abbatibus, comitibus, baronibus, justiciis, vicecomitibus, et omnibus ministris et fidelibus suis totius Normannie, salutem.

Sciatis me concessisse et dedisse, pro salute anime mee et antecessorum meorum, et presenti carta mea confirmasse Nicolao priori et canonicis regularibus de Plessitio, in perpetuum elemosinam, ecclesiam Sancte Marie de Iveranda, cum decimis et pertinentiis suis. Prior vero ponet in eadem ecclesia septem canonicos regulares, qui jugiter ibi Deo servient, et providebit eis in temporalibus et spiritualibus, ut regulariter ibi vivant et Deo digne ministrent. Et si aliquis eorum deliquerit, prior eum corrigat, et si expedire viderit, amoveat, et alium ydoneum substituat. Ad sustentationem vero illorum concedo et do eis in perpetuum supradictam ecclesiam de Yveranda, cum omnibus

decimis et pertinentiis suis, et totam terram que est inter fossata illorum interiora et exteriora, sicut claudunt locum et pasturam illorum. Et in foresta nostra (sic) de Landa Putrida et de Tenerchebray mortuum boscum ad ignem illorum, et ad edificia ejusdem loci, et pasnagium porcis eorum in foresta nostra (sic) de Landa Putrida et de Tenerchebray, et in aliis forestis nostris de Passeys, scilicet in Andeine et in silva Drua, exceptis deffensis nostris. Dedi etiam eis in perpetuam elemosinam centum libras Andegavensium in prepositura Baiocensi ; et si in aliquo tempore alia moneta cucurrerit in civitate illa, centum libras illius monete similiter percipiant annuatim. Dedi eis preterea ecclesiam de Camba, et ecclesiam Sancti Clementis juxta vada Vire, et ecclesiam de Morta (sic) Ger, et ecclesiam de Bueys, cum omnibus pertinentiis earundem ecclesiarum. Volo autem et sic constituo ut unoquoque sabbato reddat prepositus avenantum de illis centum libris, per manum servientis canonicorum ; et si uno sabbato minus fuerit, altero sabbato suppleatur, ita ut habita ratione per sabbata infra annum centum libre eis persolvantur. Do etiam eis et confirmo in perpetuam elemosinam vivarium de Pomeria quod feci, et concedo ut faciant molendinum extra fossata sua, et ut habeant aque conductum liberum ad illud molendinum per terram meam. Concedo etiam eis et do mansuram cum domibus apud Baiocas, que fuerunt Radulfi filii Riculfi, in perpetuam elemosinam, liberam et quietam ab omni servicio seculari. Volo etiam et firmiter precipio ut predicti canonici et possessiones eorum et servientes eorum liberi sint et quieti per totam terram meam a theloneo et passagio et pontagio, et ab omni consuetudine. Henricus vero episcopus Baiocensis, pro amore Dei et meo, liberavit et quietavit predictam ecclesiam de Iveranda ab omni episcopali consuetudine, salva tamen episcopo Baiocensi reverentia et debita obedientia. Ut autem hec mea elemosina cum integritate in perpetuum inconvulsa perseveret, presentis carte munimine et sigilli mei auctoritate eam corrobore.

Testibus : H. Baiocensi episcopo, G. cancellario filio meo, magistro Waltero de Constanciis Oxoniensi archidiacono, Radulfo archidiacono Herefordie, Willermo de Humetis constabulario, Willermo Filio Radulfi senescallo Normannie, fratre Rogerio elemosinario, Hugone de Morwich dapifero, Hugone Bardulfi.  
Apud Burum.